

P r a e f a t i o .

Pharmacopoea pauperum Hamburgensis eodem
 fere tempore orta perfecta que est, quo viri probi ac
 pii, et humanitate et misericordia in tot miseros
 correpti, consilium ceperunt, publicis sumtibus,
 tutiores, tam ad alendos, quam ad sanandos
 pauperes, vias exquirere ac ingredi. Varias a
 pluribus artis medicae peritis adhibitae medica-
 minum formulae, tunc a membris societatis

Praefatio.

medicae, in auxilium egenorum aegrorum constitutae, colligebantur, et collectae mox ad publicum usum proponebantur, ut scilicet, secundum talem normam, medici eo facilius medicamenta praescribere, pharmacopolae vero eo facilius praescripta praeparare possent. Utrisque primi nostrae pharmacopoeae auctores, nonsolum in nostra republica, sed etiam in aliis civitatibus profuerunt, et quidem ita, ut hoc opusculo utrorumque negotia tam breviora quam faciliora redderentur. Quum vero ars medica ipsa, ut ejus historia docet, sensim ac paulatim tot ac tanta incrementa ceperit; satis apparet, nullam pharmacopoeam valde diu, multo minus vero omnibus temporibus sufficere posse. Jure igitur medici prudentes semper suam esse putarunt, quamlibet pharma-

Praefatio.

epocham, secundum temporum, sicuti artis suae
progressus, et emendare et perfectiorem reddere.
Observationes scilicet recentissimae, tot ac tantae,
tam in historia naturali et in Chymia, quam in
aliis ad artem medicam pertinentibus scientiis
medicos doctos ac sapientes, per se necessario ex-
citabant, talibus observationibus, emendationibus,
atque progressionibus uti. Quamvis nondum
omnia nova jam per se bona, adoptandaque sint;
quamvis haud raro, experientia teste, plura anti-
quiora ac valde salubria medicamina, a novis, mi-
nus probatis ac probandis summoveantur; quamvis
ars medica ipsa haud ab omnibus pari modo tracte-
tur; quamvis denique remedia, nec a medicis
ipsis, secundum unam, eandemque normam
praescribantur, nec a pharmacopolis praeparentur:

Praefatio.

tamen, ut in aliis artibus ac scientiis, sic etiam in arte medica, universo generi humano maxime salu- tiferum semper apparuit, quaelibet nova diligentius perscrutari, probata, probandaque adoptare: et tamen fundamenta materiae medicae ac therapiae generalis (sicuti leges naturae universales) semper convenientissima reperientur, etiamsi remedio- rum applicatio systematum vicissitudine varietur. Quibus ex causis tale opusculum, quale praesens est, cui simul certa medicamentorum taxa, pre- tium ipsorum constituto congrua, apponitur, nemini superfluum videbitur, praecipue cum dispensa- torium quoddam universale jam diu apud nos de- sideretur.

Quatenus vero et nobis contigerit, ex appa- ratu novissime repletorum adhibitorumque te-

Praefatio.

mediorum, probatissima eligere, ac in hoc opusculo, secundum praestantissimam pharmacopoeam Borussicam elaborato, collecta proponere, artis medicae satis periti facillime explorabunt.

Ceterum medici, in auxilium egenorum aegrorum apud nos constituti, magna et nunquam satis laudanda felicitate fruuntur, ut, non solum in eligendis, sed etiam in praescribendis remediis, nec pretii magnitudine, nec ullis aliis finibus aut rationibus circumscribantur.

Nimis longum foret, historiam, ut et omnes prosperrimos nostri instituti medici-clinici successus atque progressus, plaribus exponere ac persequi, cum isti saepius per litteras quasdam publicas (vid. die 30. Nachricht über den Fortgang der Armen-Anstalt) divulgentur.

Praefatio.

Antequam finem dicendi facimus, superest
Nobis adhuc tristissimum negotium, praematu-
ram mortem collegae nostri, cl. Würzburg,
viri et arte et animo pariter insignis, publice de-
plorare. Denique tantum optamus, ut benevoli
lectores, quae in prioribus editionibus desideranda
remanebant, jamjam inveniunt, Nobisque favere
pergant!

*Medici in auxilium egenorum
aegrorum constituti.*

Absi
H
Acetur
Aconi
H
Agario
Alliur
B
Aloe l
Altha
H
R
Amu
Amyg
ces.
Amyl
Angel
R
Angu
O
Anisu
S
Anisu
S
Arabi